



Na osnovu čl. 34., a u vezi sa čl. 44. st. 2. i na osnovu čl. 105. Zakona o državnim službenicima i namještenicima u tijelima državne službe u Hercegbosanskoj županiji („Narodne novine Hercegbosanske županije“, broj 1/14 i 5/16), a u vezi s člankom 74a. Zakona o državnoj službi u Federaciji BiH („Službene novine Federacije BiH“, br. 29/03, 23/04, 39/04, 54/04, 67/05, 8/06 i 4/12) Agencija za državnu službu Federacije Bosne i Hercegovine, na zahtjev Ministarstva gospodarstva HBŽ, objavljuje

**JAVNI NATJEČAJ**  
**za popunu radnog mjesta državnog službenika u**  
**Ministarstvu gospodarstva Hercegbosanske županije**

- **Stručni suradnik za izradu i implementaciju razvojnih projekata u Sektoru poduzetništva, obrta i razvoja, na određeno vrijeme do povratka odsutnog državnog službenika, a najduže dvije godine- 1 (jedan) izvršitelj**

**Opis poslova:** Prati i registrira sve nastale promjene i pojave iz sveukupne gospodarske oblasti kroz usvojene razvojne projekte; izrađuje analitičke materijale u okviru propisane metodologije (tipska izvješća, redovite ili periodične informacije i si.) iz oblasti svih grana gospodarstva koje su obuhvaćene implementacijom razvojnih projekata; prati raspisivanje poziva za dodjelu bespovratnih sredstava organiziranih od strane različitih domaćih i stranih donatora i obavještava sve potencijalne prijavitelje sa područja Hercegbosanske županije; asistira pri izradi razvojnih projekata; vrši istraživanja na terenu u svrhu izrade razvojnih projekata; asistira pri implementaciji razvojnih projekata; pruža usluge prevođenja i pregledanja dokumentacije za zainteresirane institucije javnog sektora sa područja Hercegbosanske županije; obavlja i druge poslove iz djelokruga rada po nalogu pomoćnika ministra; podnosi redovna izvješća o radu kao i po potrebi ili nalogu pretpostavljenog; obavlja i druge poslove koje mu odredi i naloži pomoćnik ministra. Za svoj rad odgovoran je pomoćniku ministra.

**Uvjeti:** Kandidati moraju ispunjavati opće uvjete iz članka 35. Zakona o državnim službenicima i namještenicima u tijelima državne službe u Hercegbosanskoj županiji:

1. da su državljani Bosne i Hercegovine;
2. da su stariji od 18 godina;
3. da imaju univerzitetsku diplomu ili druge obrazovne ili akademske kvalifikacije najmanje VII. stepena stručne spreme ili visoko obrazovanje prvog, drugog ili trećeg ciklusa Bolonjskog sistema obrazovanja.
4. da su zdravstveno sposobni za vršenje određenih poslova predviđenih za to radno mjesto;
5. da u posljednje tri godine do dana objavljivanja upražnjenog radnog mjesta nisu otpušteni iz državne službe kao rezultat disciplinske mjere na bilo kojem nivou vlasti u Bosni i Hercegovini;
6. da nisu obuhvaćeni odredbom člana IX.1. Ustava Bosne i Hercegovine;
7. da im pravosnažnom sudskom presudom nije izrečena zaštitna mjera, odnosno sigurnosna mjera zabrane obavljanja poziva u organu državne službe, odnosno radnog mjesta za koje se prijavljuje, a čije trajanje nije isteklo do krajnjeg roka za podnošenje prijave za konkurs;
8. u državnu službu ne mogu biti primljene osobe protiv kojih se vodi kazneni postupak ili koje su osuđene za krivična djela za koje je propisana kazna od najmanje dvije godine zatvora prema domaćem ili međunarodnom pravu za krivična djela protiv života i tijela, čovječnosti, morala, javnog ili privatnog vlasništva, javne uprave i javnog interesa ili zbog pronevjere u javnom sektoru, osim ako je nastupila rehabilitacija prema posebnom zakonu.

**Pored općih uvjeta navedenih u javnom natječaju kandidati moraju ispunjavati i sljedeće posebne uvjete:**

- VSS/VII stupanj stručne spreme ili završen prvi ciklus Bolonjskog sustava obrazovanja koji se vrednuje s najmanje 180 ECTS bodova, odnosno drugog ili trećeg ciklusa Bolonjskog sustava obrazovanja, završen ekonomski, pravni ili tehničko-tehnološki fakultet
- 1 (jedna) godina radnog iskustva nakon stečene visoke stručne spreme u struci,
- poznavanje rada na PC
- poznavanje engleskog jezika

### **Prijavljivanje-potrebni dokumenti:**

Kandidati su dužni dostaviti slijedeću dokumentaciju (original ili ovjerene kopije):

1. popunjen prijavni obrazac Agencije za državnu službu FBiH (može se preuzeti u prostorijama Odjeljenja Agencije za Kanton 10 i Unsko-sanski kanton u Livnu, Ul. Gabrijele Jurkića bb, ili na web stranici Agencije [www.adsfbih.gov.ba](http://www.adsfbih.gov.ba)).
2. diplomu o završenom visokom obrazovanju (nostrificirana diploma, ukoliko fakultet nije završen u BiH ili je diploma stečena u nekoj od država nastaloj raspadom SFRJ nakon 06.04.1992. godine).
3. potvrdu/uvjerenje o radnom iskustvu u struci nakon sticanja VSS, Primjer uvjerenja može se naći na web stranici Agencije <http://www.adsfbih.gov.ba/index.php?lang=ba&sel=546>.
3. dokaz o poznavanju rada na računaru
4. dokaz o poznavanju engleskog jezika, u skladu sa Pravilnikom o dokumentaciji kojom se dokazuje poznavanje ili znanje i aktivno znanje stranog jezika u postupcima sprovođenja natječaja u organima državne službe u Federaciji Bosne i Hercegovini-prečišćeni tekst („Službene novine Federacije BiH“, br. 51/16 i 59/16)
5. Kandidati koji obavljaju poslove namještenika u tijelu državne službe i koji su stekli VII stupanj stručne spreme, odnosno visoko obrazovanje prvog, drugog i trećeg ciklusa Bolonjskog sistema studiranja koji se vrednuje sa najmanje 180 ECTS bodova dužni su dostaviti i:
  - dokaz da su uposleni u tijelu državne službe kao namještenici na poslovima i zadacima za čije je obavljanje uvjet položen stručni ispit za namještenike, **izdat nakon objave javnog natječaja** i dokaz o pet godina radnog iskustva u tijelima državne službe, nakon položenog stručnog ispita za namještenike u tijelima državne službe, i
  - dokaz o položenom stručnom ispitu za namještenika,

### **NAPOMENE ZA KANDIDATE**

Kandidati koji dostave dokaz o položenom stručnom upravnom ispitu (javnom ispitu ili ispitu općeg znanja) pred nadležnim organom u Bosni i Hercegovini ili položenom pravosudnom ispitu izuzimaju se od polaganja ispita općeg znanja. Nisu izuzeti od polaganja ispita općeg znanja, kandidati koji imaju rješenja nadležnih organa drugih upravnih nivoa vlasti u Bosni i Hercegovini o oslobađanju od polaganja stručnog upravnog ispita.

O datumu, vremenu i mjestu polaganja ispita općeg znanja i stručnog ispita kandidati će biti obaviješteni putem web stranice Agencije za državnu službu Federacije BiH, [www.adsfbih.gov.ba](http://www.adsfbih.gov.ba). Imena kandidata se ne objavljuju.

Polaganju stručnog ispita mogu pristupiti kandidati koji ispunjavaju opće i posebne uvjete navedene u tekstu javnog natječaja.

Ako kandidat ne pristupi polaganju ispita općeg znanja i /ili stručnog ispita, smatra se da je odustao od učešća u natječajnoj proceduri, o čemu neće biti posebno obaviješteni.

Izabrani kandidat je dužan u roku od 8 dana od dana prijema obavijesti o rezultatima natječaja, dostaviti Agenciji dokaze o ispunjavanju općih uvjeta natječaja.

Nepotpune neuredne i nepravovremene prijave neće se uzeti u razmatranje.

Prijava, sa potrebnim dokumentima, dostavlja se u roku od 8 dana od objave javnog natječaja na web stranici Agencije, putem pošte, preporučeno na adresu:

**AGENCIJA ZA DRŽAVNU SLUŽBU FEDERACIJE BiH  
ODJELJENJE AGENCIJE ZA KANTON 10 I UNSKO-SANSKI KANTON  
Ul. Gabrijela Jurkića bb  
80101 Livno**

sa naznakom

**„Javni natječaj za popunu radnog mjesta državnog službenika  
u Ministarstvu gospodarstva HBŽ sa pozivom na broj: 05-30-8-63/20**

**DIREKTOR**

**Refik Begić, magistar uprave**